

րովպ և շինեաց եկեղեցի փոքր, ուր և թաքոյց զմանն հենարար փայտին, և անդ նաճատակեցան ոմանք յաշակերտացն. և յԵ դարու յայտնեցաւ նշանն սուրբ և պատուեցաւ մեծահանգէս տնիւ. սասի թերևս փոխադրեալ էր խաչն Գարգաւի վանս Ծառաբար կուչեցեալ մերձ ՚ի Կեչոր (145), զոր յիշատակէ Վարդան պատմիչ: — Յայս կողմանս թուի լինել և ՍԱՏՏԱՆ քաղաք՝ ուր եկն նախ սուրբ Եղիշէ առաքեալ, և մի յաշակերտաց իւրոց անդ նաճատակեցաւ:

182. Հարաւակողմն գաշտիս Աղուանից՝ Քեպէր լին գաւառ բնիկ երկիր է ԳՐԳԳՐԱՐՅՈՑ, իսկ ստորին կողմն նորա թուի ՏՐԻ գաւառ Ուտիոյ. ՚ի սմա ընդ մէջ երկոցուն հզոր գետոցն՝ Կուրայ և Երասխայ, թուի լինել քաղաքի միս մեծի ԲԵՆՈՒՎԵՍ կամ Պէլեգոս կոչեցելոյ, զոր պաշտրեալ Հուլաղու խանի էաւ՝ կապարեայ ռըմբօք կործանեալ զպարիսպան. Լէնկթիմուր վերստին նորոգեաց, այլ յետոյ դարձեալ խանգարեցաւ. անուանի են ջրանցքն զոր թիմուր էհատ՝ ածելով Երասխայ Ջուր ՚ի քաղաքս, և կոչի Նահաբ-ի-Պէլեգոս՝ յանուն աղագատոհմին թիմուրայ: Ոմանք յաջակողմն կամ ՚ի հարաւակողմն Երասխայ ՚ի Մուզան գաշտի կարծեն գրաղաքս: Ի հարաւային արևելեան սպառուած գաւառիս Քեպէրլինայ և համօրէն նաճանգին Գարապաղու գետախառնուոնք են Երասխայ և Կուրայ, և յանկեան անդ խառնրդոցն կայ Մուշուլ գետոյ՝ յանուն անապատին մեծի:

183. Մինչև ցայս վայր են սեփական սահմանք Հայոց Մեծաց. յայնկոյս Կուրայ և Երասխայ ունելով միայն զժայտակարանն աշխարհ կամ զՎաղբս, որոյ սահմանք և գաւառք ոչ ճանաչին քաջ, քանզի և ոչ միշտ ընդ ձեռամբ թաղաւորացն Հայոց նըւաճեալ կայր. և այսմ հակառակ՝ երբեմն և Աղուանիցն աշխարհ որ ընդ մէջ Կուրայ և Կովկասայ, և այն կողմն ևս Կովկասայ մինչև ՚ի Կասպիական ծով՝ ՚ի Պաքուսայ ցրարբանտ, հնազանդէր Հայոց, արտաքոյ հնգետաանիցն աշխարհաց նոցա:

Ե. ՇԻՔԻ ՆԱՀԱՆԳ

184. Կահանգս այս սահմանի յարևմտից Կուր գետով և ճէւանջիր գաւառաւ, ՚ի հիւսիսոյ Սըղնագ և Կախէթ նաճանգօք Վրաց, յարևելից Կովկաս լեռամբք, ՚ի հարաւոյ Շիրուանաւ. արևմտեան կողմն գաղտային է, արևելեանն լեռնավայր ստորոտք Կովկասու, միջակողմն երկրուտ և ցածագոյն լեռամբք: Գետք ոչ սակաւ իջանեն ՚ի Կովկասայ ՚ի Կուր, Իւրիւայ, Իւնիիւս, Գարեթուլայ, Գարալայ, Կեօգուլայ, և այլն: Բայց ջուրքն չեն բարւոք, այլ և անտարբեր ամարանի. երկիրն բերէ թթեմնի շերամ որոյն առատ յոյժ, ունի և արօտս շատ: Ի հնուսն գաւառ էր սա բուն Աղուանից ՇԱՔԻ կոչեցեալ, որոյ եպիսկոպոսք յիշին ՚ի 2 դարէ, և իջանք յԵ դարու, յետ որոյ Պարսք տիրացան, յորոց գամ մի կորզեցին Վիրք ՚ի ձեռն սարապետացն Զաքարեայ և Իւանեայ. այլ դարձեալ ընդ տէրութեամբ Պարսից եկաց ցամն

1805, յորում Թուսք հասին ՚ի նոցանէ, և յետ 1820 ամին արկին խաղաւ ընդ վարչութեամբ ուսու օրինաց: Բնակիչքն ոգիք 100,000, ակելի կամ պակաս՝ թաթարք և Պարսք են աղքաւ, և Հայք տան կամ 15,000: Ի չորս գաւառս բաժանի Շաքի, ՚ի Կուրիս, խաջմաղ, Քապալ և Արէշ:

185. ԿՈՒՍԻ գաւառ ՚ի հիւսիսակողմն արևելից կայ, և ՚ի նմա էր ՇԱՔԻ քաղաք, թերևս ՚ի Շակաց շինեալ, ՚ի ստորոտս Կովկասու. այժմուս քաղաքն ԿՈՒՍԻ որ և իջնանանիսա է համօրէն նաճանգին, կայ ՚ի նմին լեռնակողման ՚ի բարձու 2875, զըջապատեալ պարտիզօք և սոսիաղարդ ձեմելօք. ունի բերդ ոչ ամուր և գղեակ ճարտար արարիկ դրուագօք. վաճառք և ճարտարութիւն քաղաքիս է մետաք: Բն. 8,000: — Ի ԽՅՁՄԵՁ գաւառի որ ՚ի հարաւոյ Կուրիսայ, ՚ի ստորոտս լեռանցն կան խալխալ և Վարդաշէն անան (յորում 100 երդ Հրեայ), և Արիւնիք և Վարդաշէն, հայկական անուամբք, նշանակք բնակութեան Հայոց և յայս կողմանս: — ԲԱՊԵԼԵ կամ ԳԱՊԵԼԵ գաւառս յարևելեան հարաւային ծայր նաճանգին կայ, և է ԳՅՊԵՂԱԿ գաւառ Աղուանից, որ և ԳՅՊԵՂԱԿԱՆ, որոյ եպիսկոպոս յիշին ՚ի Ե դարէ. Բապիլ գետոյ թերևս ունիցի զտեղի ԳՅՊԵՂԱԿ քաղաքի որ յիշին ՚ի Վրաց պատմութեան յԵ դարու: Ոմանք յանուն արաբացի Քեապիլ տոհմի կարծեն զանուն գաւառիս. նոյնպէս ասեն և զանուանէ ԵՐԵԿ կամ ԵՐԵԿՆԵ գաւառի՝ որ ՚ի մտից առաջնոցն կայ առ Կուրաւ. ՚ի գետոյ սրա նշանակի և Իրիւնի-դաւառ. իսկ գլխաւորն Գառաբալը-դաւառ:

Զ. ՇԻՐՈՒԱՆ ՆԱՀԱՆԳ

186. ՇՐՈՒԱՆ կամ ՇԻՐՈՒԱՆ նաճանգ ընդարձակ է, ՚ի մտից ունելով զՇաքի, ՚ի հարաւոյ զՎուր և զԵրասխ, յեղից զԿասպիականն ծով և ՚ի հիւսիսոյ զպարս Կովկաս լեռանց. յորոց ՚ի հիւսիսային ծայր սահմանացն ամբառնայ Պապո-բաղ 11150՝ այլ անտի և ՚ի վայր ցածմանս Պաքուսայ՝ ցածնուն լեռնիքն. և գետք հզօրք իջանեն ՚ի նոցանէ Փիր-Սահար, Ճէրան-Կէլեղ և Ճէնի-լայ կամ Սահար, որք ՚ի ծովն Կաղբից թափին. իսկ Ասուս, Իւրիւայ, Կիրքիսն ՚ի Կուր խառնին: — Հարաւային մասն նաճանգիս ստորև խառնրդոց Կուր-Երասխայ՝ ՓԵՏՏԵՎԵՐԱՆ աշխարհն էր Հայոց հանգերձ Պաքուաւ, որ այժմ՝ յառանձին կողմնակարութիւն զատուցեալ է. իսկ լեռնակողմն բնակեալ էր ՚ի ՇՐՈՒԱՆ աղքէ, զոր յիշէ խորոնցի յաշխարհագրութեանն, և ըստ նորոյ պատմահօրս Չամչեան ՚ի Սիրուանայ յորգույ Սիսակայ Հայկաղնոյ սերեալ և կոչեցեալ. հիւսիսակողմն և արեւմտակողմն երկիր էր ԼՓՆՅ և ԾՕԻԵԻՑ կամ Ծառաբար, զորս յիշեն պատմիչք մեր առաջինք Մովսէս խորոնցի և Եղիշէ և այլք, և գլխանոցն ասի լինել սերունդս Առանայ, որպէս Գարգարայիցն որ յայս կոչս Կուրայ. էր Լինայ առանձին թագաւոր, մերթ նիզակակից Հայոց և մերթ Պարսից. բարոզեաց առ նոսա և Ս. Մեարովոյ, իբրև յաղք մերձաւոր: Յի